

**Illulortiternernut aningaasalersuineq pillugu inatsisip allanngortinnissaa pillugu
Inatsisartut Inatsisaat**

(Tullerriiaarinissamut uppersarsaaneq, sanaartortitsinernut naatsorsuutit, kaaviiartitsinissamut inerteqqut, piffissaq sioqqullugu taarsigassarsianik akiliineq il.il.)

Ineqarnermut Attaveqaasersuutinullu Naalakkersuisumit saqqummiunneqartoq

pillugu

Sanaartornermut Ataatsimiititaliap

Siunnersuutip aappassaaneerpeqarneranut

ISUMALIUTISSIISSUTAA

Sanaartornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Juliane Enoksen, Inuit Ataqtigiit, Siulittaasoq

Inatsisartunut ilaasortaq Jens Napãtôk, siulittaasup tullia

Inatsisartunut ilaasortaq Adam Kristensen, Inuit Ataqtigiit

Inatsisartunut ilaasortaq Jens Kristian Therkelsen, Siumut

Inatsisartunut ilaasortaq Lars Poulsen, Siumut

UKA 16. Oktober 2024-imi ulloq siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Illulortiternernut aningaasalersuineq pillugu inatsisip allanngortinneqarnissaanut siunnersuut kommunit allaffisorneranni ajornannginnerusumik aaqqissuussamik suliarinnittarnerinik arlalinnik erseqqissaasoqarnissaa inuiaqatigiillu aningaasaataannik pitsaanerpaamik atuinissamik qulakkeerinninnissamik imaqarpoq. Ataatsimut isigalugu innuttaasut aaqqissuussamik atuinissamut periarfissaannik pitsanngorsaanerussaaq.

- Inissiaq Illulortiternernut aningaasalersuisarneq pillugu Inatsisartut inatsisaat naapertorlugu taarsigassarsiat atorlugit tunniunneqartoq taamaallaat piginnittumut

taassumalu inoqutigiivinut imaluunniit attartortumut taassumalu inoqutigiivinut najugassatut aamma aalajangersimasumik najugaqarfissatut atorneqarsinnaanera erseqqissaavigineqassasoq siunnersuutigineqarpoq. Inissiamik piginnittup imaluunniit attartortup pingaarnertut najugaqarfigigunikkut inuussutissarsiutit annikinnerusut namminersorfiusunik ingerlatsisinnaassapput

- Taarsigassarsiat siuliani taaneqartut allanngortinnissaannut imaluunniit illuutip allatut pingaarnersuiffiginissaanut ilaasumik taarsigassarsiarititaasimasut pillugit pisortani oqartussaasup ataqqinninnermut nalunaaruteqartarnissaanut pisinnaatitaaffiliisoqarnissaanut aalajangersaasoqarpoq aamma inissiap ilaata akiitsoqarfiunngitsup qularnaveeqqusiunneranut atasumik.
- Inissiani pioreersuni iluarsaassinissanut, pitsanngorsaannissanut imaluunniit allilerinissamut taarsigassarsiarititanik ingerlaavartumik tunniussisarnissamik kommunalbestyrelsimut piginnaatitsissuteqarnerup atuutlernissaa aalajangersaatigineqassaaq.
- Kingumut nuussinermi erniaritinneqartoq Naatsorsueqqissaartarfiup qaammatinut 12-nut kingullernut atuisunut akinut naleqqersuutitut kingullermik naatsorsuutaanut 1 procent pointimik ilallugit naapertuuttumik ernialerlugit allanngortinneqassaaq.
- Qularnaveeqqusiinnermut allakkat akiitsunullu allakkat Illuliortitsinernut aningaasalersuisarneq pillugu Inatsisartut inatsisaanni massakkut atuuttumi imaluunniit illuliortitsinernut aningaasalersuisarneq pillugit siusinnerusukkut inatsisaasut naapertorlugit pisortat taarsigassarsititsinerannut ilaasumik pisortanut tunniunneqartut kaaviiartitanut, qularnaveeqqusiinissanut imaluunniit taarsigassarsititsisarfinniit malersorneqarnissamut pissutaatinneqarsinnaassanngitsut aaliangersaatigineqassapput.

Siunnersuummi immikkoortuni pingaarnermi pisortanit taarsigassarsilluni iluliortiternermut aningaasalersuisarneq pillugu Inatsisartut inatsisaat naapertorlugi tunniunneqartoq taamaallaat piginnittumut taassumalu inoqutigiivinut imaluunniit attartortumut najugassatut aamma aalajangersimasumik najugaqarfissatut atorneqarsinnaanera aalajangersaavigineqarnissaa pineqarpoq. Pisortanit taarsigassarsisitsisoq taarsigassarsiarineqartut pillugit ataqqinninnermut uppersaasarnermut nalunaaruteqarnissamut pisussaatinneqarpoq, inissiani pioreersuni iluarsaassinissanut, pitsanngorsaannissanut imaluunniit allilerinissamut taarsigassarsiarititanik ingerlaavartumik tunniussisarnissamik piginnaatitsisumik atuutsitsisoqartussanngornera. Pisortanut qularnaveeqqusiussaarluni taarsigassarsititsinermut uppersaasat aamma akiitsunut uppersaasat pillugu Inatsisartut inatsisaat manna imaluunniit siusinnerusukkut inatsisaasut naapertorlugit tunniunneqartut kaaviiartitsinermut, qularnaveeqqutitut imaluunniit akiliisitsisussamit malersorneqarnissamut atorneqarsinnaannginnerat aaliangersaatigineqassaaq.

Siunnersuutip Inatsisartunit siullermeerneqarnera

Siunnersuutip siullermeerneqarnerani pisortat inissiaataat tuniniarneqassappata, kvadratmeterimut akigititassat soorlutaaq piginnittunngornermut akiliutissaq piffissarlu sioqqullugu taarsigassarsianik akiliinermi inissiap akisunerulernissaa sukumiisumik oqaluuserineqarput.

Siunnersuut innuttaasut pisortat inissiaataannik pisinissamik soqutiginnittunut pitsanngorsaavigineqarnissaannik imaqartoq isumaqatigiissutigineqarmat, partiinit amerlanernit taperserineqarpoq. Siunnersuutip ataatsimiititaliamit suliarineqarnissaa innersuussutigineqarpoq.

Tusarniaanermut akissutit

Naalakkersuisut siunnersuut tusarniaassutigineqarmat tusarniaanermut akissutini tiguneqartuni oqaatigineqartut siunnersuummut ilannguppai oqaaseqaatinilu ilanngullugit.

Naalakkersuisut tusarniaanermut akissutigineqartut tunngavigalugit inatsisissatut siunnersuummut allannguutissaqanngillat illuatungaaticullu inatsisissatut siunnersuutip qanoq paasineqarnissaa nalilersorneqarnissaalu erseqqissaassutigineqarput.

Grønlandsbanken-ip tusarniaanermut akissuteqarnermini kingumut tunniussisarnermut erniaqartitsinermit malittarisassat allanngortinneqarnerat ernumanartoqartippaa.

Malittarisassat allanngortinneqarneratigut taarsigassarsisut maannakkut malittarisassanut atuuttunut naleqqiullugu piffissaq sioqqullugu taarsigassarsianik akiliinermi annertunerusumik akiliuteqartalissapput. Pisortanit taarsigassarsialinnut piffissaq sioqqullugu akiliinissaq akilersinnaanngimmat pisortanit taarsigassarsiallit piffissaq sioqqullugu akiliisartut annertuumik ikileriaateqarnerannik kinguneqassasoq Grønlandsbanken naliivoq. Grønlandsbankenip ernumassutaanut Naalakkersuisut akissutigaat, maannakkut kingumut tunniussisarnermit erniaqartitsinermit tunngavigisaq taarsersuisunut iluanaarutaavallaartoq, amerlasuutigut sioqqutsillutik aningaaserivimmik taarsersugassarsinikkut akiliisarmata.

Inatsisissatut siunnersuummut nalinginnaasumik oqaaseqaatini taarsigassarsiat akilersinniarneqartussat amerlassusaat suunngitsumik ikiliartorumaartut, kisiannili tamanna, akiliisitsiniarnissami taarsigassarsiarineqartut pingaarnertut akiligassaqqarfigisaani annerusumik akiliuteqarnikkut pisassagunartoq Naalakkersuisut naliipput.

Ineqarnermut Attaveqasersuutinullu Naalakkersuisumik ilisimatitseqatigiiffiusumik ataatsimiinneq

Immikkoortup ataatsimiititaliamik suliarineqarneranut atatillugu Ineqarnermut Attaveqasersuutinullu Naalakkersuisoqarfiup ataatsimiititaliaq 18. oktober 2024-mi ilisimatitseqatigiiffiusumik ataatsimiinnissamut qinnuigisimavai. Ineqarnermut Attaveqasersuutinullu Naalakkersuisoqarfimmit ilisimatitseqatigiiffiusumik

ataatsimiinnissamut aggersaassut isumaliutissiissummut uunga ilanngussatut 1-tut ilanngunneqarpoq.

Pisortanut aningaasaqarnikkut allaffissornikkullu kingunerisassai

Siunnersuutip piviusunngortinnerani aningaasatigut kingunerisassai siunnersuutip nalinginnaasunik oqaaseqaatini allaaserineqarput. Siunnersuut inuusutissarsiutinik ingerlataqartunut aningaasatigut allaffissornikkullu sunniuteqassanngitsoq nalilerneqarpoq siunnersuullu avatangiisinut, pinngortitamut inuillu peqqissusaannut sunniuteqassanngitsoq nalilerneqarpoq.

Pisortanut aningaasaqarnikkut allaffissornikkullu kingunerisassat allannguutissatut siunnersuutip taarsigassarsiat tamarmiusut annertussusaannut piffissaq sioqqullugu akiliisarnermut sunniuteqassanersoq nalilerneqarsinnaanngilaq. Tamanna taarsigassarsisussat ataasiakkaat aningaasaqarnikkut atugaannik aningaasalersuinissamullu periarfissaannik tunngaveqassaaq. Kisianni taarsigassarsianik piffissaq sioqqullugu akiliisartut annertunngitsumik ikileriarumaartut naatsorsuutigineqassagunarpoq.

Siunnersuut innuttaasunut sunniuteqassanngitsoq nalilerneqarpoq.

Naalackersuisut kommunalbestyrelsillu ataqqinninnermut tulleriarinnermullu uppersaasinnaanerat pillugu siunnersuut innuttaasut inissiat nutaat sananissaannut pisortanit taarsigassarsiaritneqartut atorlugit inissianut taarsigassarsititsinerit tamarmiusut ingerlaavartumik naleqqussartarnissaannut tamakkiisunngortinnissaannullu periarfissinneqassapput.

Kommunalbestyrelsip iluarsaasarnernut allanullu taarsigassarsianik ingerlaavartumik tunniussisarnissaanut piginnaatitsissut pillugu siunnersuuteqarneq suliniutissanik arlalinnik suliaqartarnissamut taarsigassarsianillu amerlanernik tunniussisarnissamut periarfissaqartitsissagunarpoq.

Naalackersuisunut allakkatigut apeqqutit

Ataatsimiititaliaq siunnersuutip ataatsimiititaliami suliarineqarneranut atatillugu fremsendt immikkoortunut 43, 44, 45 aamma 46-mut ataatsimut Ineqarnermut Attaveqaasersuutinullu Naalackersuisumut apeqquteqarpoq. Ataatsimiititaliap apeqqutai Naalackersuisullu akissuteqaataat isumaliutissiissummut ilanngussatut 2-itut ilanngunneqarput.

Ataatsimiititaliap siunnersuummik suliarinninnera

Siunnersuut siullermeerlugu suliarineqarnerani ineqarnermut immikkoortumut arlalinnik unamminartoqarnera, tamatumani innuttaasut aningaasatigut inissiamik imminut pilersorsinnaanissamut periarfissaat tikkuarneqarmat ataatsimiititaliamit maluginiarneqarpoq.

Pingaarnertulli siunnersuummi matumani inissianik aningaasalersuinermik aalajangersakkanik atuuttunik nalimmassaanertut aalajangersakkanillu atuuttunik soorlu matumani sanaartukkanut naatsorsuutunik uppersaasarnermut ersarissaassutunik imaqartutut isigineqarpoq. Siunnersuummut aamma nassuiaatini suut inuussutissarsiutit annikinnerusutut namminersorfiusutut ingerlatatut isigineqarnersut suullu inuussutissarsiutit annikinnerusut namminersorfiusut *isigineqannginersut* sukumiinerusumik nassuiaaffigineqarput.

Grønlandsbanken tusarniaanermut akissuteqarnermini Naalakkersuisut siunnersuutip allaffissornikkut atuutsinneqalernissaanut piareersarnissaannik kaammattorneqartut ataatsimiititaliamit maluginiarneqarpoq.

Ataatsimiititaliap inassutai

- Ataatsimiititaliami amerlanerussuteqartut Inuit Ataqtigiit Siumullu ilaasortaataa siunnersuutip akuerineqarnissaa inassutigaat.

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.

Juliane Enoksen
Siulittaasoq

Jens Napâtôk'
Siulittaasup tullia

Adam Kristensen

Jens Kristian Therkelsen

Lars Poulsen